



COMUNE DE MARA

Provìntzia de Tàtari

DELIBERATZIONE DE SU CONSÌGIU COMUNALEN. 55 DE SU 25/11/2022

OGETU: LEADA A CUNSIDERU DE SU DEPÒSITU IN SU COMUNE DE MARA DE SU PIANU INTERCOMUNALE DE PROTETZIONE TZIVILE DE S'UNIONE DE SU BIDDANOIA.

S'annu duamìgia e bintiduos, sa die bintichimbe, de su mese de santandria a sas 17:30, posca de avisu regulare de cunvocatzione, s'est reunidu in modalidade misciada, cun unos cantos in presèntzia e àteros in vìdeo cunferèntzia, su Consìgiu Comunale, de su cale a s'apellu resurtant:

SAMBENADU E NÙMENE	PRESENTE
CHESSA PAOLO	EMMO
FIORI ANTONIO	EMMO
MANAI VITTORIO	EMMO
MARIANI ANTONIO	EMMO
MONNI CRISTINA	EMMO
NUGHES MARCELLO	EMMO
NUGHES PIETRO	NONO
PIU CHRISTIAN	EMMO
SALARIS RICCARDO	EMMO
TOLA BASTIANO	EMMO

Presentes n° 9 Ausentes n° 1

Partètzipat su Segretàriu Comunale FALCHI ANTONIO MARIA, chi providit a redatzionare custu verbale.

Leat sa Presidètzia su Presidente CHESSA PAOLO, chi, reconnota legale s'adunàntzia, decrarat aberta sa setziada.

SU CONSÌGIU COMUNALE

PREMÌTIDU chi cun Deliberatzione de su 4/02/2016 de s'Assemblea de sos comunes de su Biddanoa est istada dada a s'Unione de sos Comunes sa Gestione Assotziada de sos servìtzios chi tocat a sa Protetzione Tzìvile e in particolare:

- a) S'achisizione de sos Pianos de Protetzione Tzìvile de sos comunes chi faghent parte de s'Unione pro ammaniare unu Pianu de Protetzione Tzìvile Intercomunale;
- b) Verìfica e agiornamentu periòdicu de su Pianu Intercomunale de Protetzione Tzìvile;
- c) Trasmissione a sos entes e a sas autoridades cumpetentes cunforma a cantu apostivadu dae sa norma de su Pianu intercomunale de Protetzione Tzìvile matessi;
- d) Promotzione e acumprida, in forma coordinada, de iniziative pro favorèssere sa connoschèntzia e fàghere crèschere sa cultura de sa Protetzione Tzìvile in su territòriu puru pro mèdiu de s'organizatzione de cursos professionali apòsitos destinados a su personale prepostu a sa Protetzione Tzìvile;
- e) Gestione de sas relatziones esternas cun totu sos Entes (Comunes, Provìntzia, Regione, Prefetura, Assòtzios de Volontariadu, etz..) chi ant funtziones e responsabilidades ispetzìficas pro su chi pertocat sa Protetzione Tzìvile;
- f) Atziones de sustennu operativu a sas atividades de emergèntzia in su territòriu de sos Comunes pro sa parte chi at a èssere sebestada in sos pianos operativos e atividade de impèllida e informatzione in relata a sos acumprimentos de cumpetèntzia de sas amministrazziones comunali in matèria de Protetzione Tzìvile.
- g) Organizatzione de su post-emergèntzia: ammaniadura, distributzione e acollida de sa modulistica unificada pro sas pràticas de dannu.
- h) Organizatzione integrada de òmines e mèdios, de acostagiare a sos comunes singulos in sa gestione de s'emergèntzia: custa organizatzione est afidada a su tzentru intercomunale e a su responsàbile suo, e est acumprida cunforma a su pianu intercomunale, a manera de garantire una cobertura prus ampra de su servìtziu subra totu su territòriu de sos comunes assotziados;
- i) Organizatzione de su servìtziu de reperibilità unificadu, a manera cumpatibile cun su livellu de integratzione de sos diferentes assòtzios de voluntariadu;
- j) Formatzione e esertitzatzione de su personale prepostu a sa Protetzione Tzìvile, integrende a manera dàbile sas iniziative promòvidas dae sos entes mentovados in subra (Regione, Provìntzia, Prefetura) chi ant cumpetèntzia dereta;
- k) Gestione in forma coordinada de sos fundos postos a dispositzione dae àteros entes e destinados a su servìtziu de Protetzione tzìvile cun esclusione de sos fundos;
- l) Monitoràgiu h 24 de su territòriu interessadu e organizatzione de sa reperibilità;
- m) - Allestimentu de un'istrutura intercomunale in gradu de acumprire a atividades pro evitare o minimare prus chi si podet sas possibilidades chi s'averiguent dannos consighentes a disauros in base a sas connoschèntzias achisidas cun atividade de previsione e preventzione in tempus de paghe (arriscu idràulicu, arriscu industriale, arriscu idrogeològicu).

CUNSIDERADU CHI:

- tra sas cumpetèntzias afidadas, s'Unione de su Biddanoa at apostivadu sa redatzione de su **“Pianu Intercomunale de Protetzione Tzìvile”**, chi, comente apostivadu dae sa deliberatzione indicada in antis, at imbiadu a custa amministrazione pro leare a cunsideru su provedimentu.
- Su Pianu rapresentat su traste operativu de sustennu a sos sindigos pro parare fronte a sas disauros e pro osservare a sas dispositziones de lege e a sas responsabilidades chi sa lege lis attribuit.
 - a. Obietivu de su pianu est cussu de propònere unu modellu organizzativu cunformadu a su territòriu, subra de sas cumpetèntzias e subra de sa dotatzione de òmines e

- trastes chi su territòriu matessi oferit, analizende e agiornende sos datos de sos pianos de seguresa comunales chi bi sunt pro providire;
- b. S'identificatzione e sa definitzione de sos perigulos e de sos iscenàrios de arriscu de su territòriu cunforma a cantu su territòriu si podet fèrrere;
 - c. - S'individuatzione de sas atividades de acumprire in tempus de paghe pro minimare s'arriscu;
 - d. - S'individuatzione de sas atividades coordinadas, de sas atziones, de sas protzeduras e de s'impitu de òmines e trastes, pro parare fronte a sas disauras;
 - e. - S'individuatzione de sas istراتيجias de amparu de sa populatzione e de sos benes materiales in casu de emergèntzia;
 - f. - Definit sos ruolos a intro de sa Sala Operativa Intercomunale pro mègiore cantu prus si podet sos tempos de resposta e otènnere sa funtzionalidade màssima de su sistema de risposta a s'acadessimentu.

RECONNOTU chi su Pianu est istadu trasmitidu pro mèdiu de Pec cun nota integrativa de su 21/04/2022 e s'est dèvidu isettare pro sa leada a cunsideru ca at àpidu bisòngiu de àteros agiornamentos;

AVERIGUADU chi s u *“Pianu Intercomunale de Protezione Tzivile”*, est cumpostu dae sos allegados chi sighint:

- Relata Generale;
- Relata Tècnica;
- Sistema de Allertamentu Locale;
- Modellu de Interbentu;
- Ischedas de sas Protzeduras modellu de Interbentu;
- Ischedas Puntos Crìticos Arriscu Geomorfologìcu;
- Ischedas Puntos Crìticos Arriscu Idraulicu;
- Ischedas Àreas de Emergèntzia;
- Ischema Protocolu Collaboratzione Monitoràgios
- Ischema de sas Ordinàntzias;
- Libreteddu Informàticu;
- Cartografias.

CUNSIDERADA sa netzessidade urgente de leare a cunsideru su provedimentu Intercomunale de Protezione tzivile pro garantire unu traste chi apat sas medidas de seguresa adecuadas in casu de perigulos e arriscos pro sa salute e sa seguresa de su tzitadinu ligadu a disauras diferentes e dàbiles;

BIDOS:

- sa Lege 996/1970 chi cunsiderat sa protezione tzivile comente sucursu pùblicu afidadu a su Sìndigu e a su Commissàriu de Guvernu;
- su DPR 66/81 chi apostìvigat chi su presìdiu locale est afidadu a su Prefetu e, in segundu òrdine, a su Sìndigu chi est òrganu de Protezione tzivile in calidade de ufiziale de Guvernu;
- sa Lege 24 de freàrgiu de su 1992 n°225 chi istituit su Servìtziu Natzionale de sa Protezione Tzivile;
- su D. Lgs n°112/1998, Cabu VII – Art. 107-108-109;
- sa Lege “Sarno” n°267/1998;
- su D.lgs. n°334/1999 – Acumprida de sa Diretiva 96/82/CE relativa a su controllu de sos perigulos de fogos mannos ligados a sustàntzias perigulosas determinadas;
- s'art. 138, comma 16, Lege n°388/2000 rubricadu: “Istituzione de su fundu Regionale de protezione tzivile” chi finàntziat sos interbentos de sos entes locales in casu de

- disauros naturales;
- sa Lege 353/2000, Lege cuadru in matèrias de fogos in sos buscos;
- sa Lege n°401/2001 de disciplina de su coordinamento operativu de sas istruturas acumandadas a sas atividades de protetzione tzivile;
- su DPCM 20 de nadale de su 2001 – Lìneas guida relativas a sos pianos regionales pro sa programmatzione de sas atividades de previsione, preventzione e gherra ativa contra a sos fogos in sos buscos;
- su Decretu de su Presidente de su Consìgiu de sos Ministros 12 de abrule de su 2002 – costituzione de sa Commissione natzionale pro sa previsione e sa preventzione de sos arriscos mannos;
- sa Lege n°286/2002, dispositivu pro s’impitu de sas istruturas de protezone tzivile dae parte de su Presidente de su Consìgiu de sos Ministros;
- su DPCM 23 de santugaine de su 2006 – mudaduras a s’organizatzione interna de su dipartimentu de protetzione tzivile;
- su DPCM 21 de santandria de su 2006 – costituzione e modalidade de funzionamentu de su Comitadu operativu de sa Protetzione Tzivile;
- s’Art. 1, comma 112 de sa Lege 56/2014 chi tratat “Dispositziones subra de sas tzitades metropolitanas, subra de sas provìntzias, subra de sas uniones e fusiones de comunes” ;
- s’Art. 12, comma 4 de su d. Lgs n°1/2018 de su Còdighe de sa Protetzione Tzivile;
- su D. Lgs n°267/2000;
- S’Istatutu Comunale

RECONNOTU chi subra de custu atu no est achisidu su parre de regularidade contàbile, ca su matessi non cajonat cunseghèntzias deretas o non subra de sa situatzione econòmicu-finanziària, o subra de su patrimoniu de s’ente;

ACHISIDU duncas solu su parre a favore in òrdine a sa regularidade tècnica, espressadu dae su responsàbile de su Servìtziu interessadu cunforma a s’art. 49 de su D.lgs. n. 267/2000;

CONSIGERIS COMUNALES Presentes e Votantes n. 9 - Astènnidos: n. 0;

CUN n. 9 votos a favore espressados in sas formas de lege:

DELÌBERAT

DE RECONNÒSCHERE chi sa premissa costituit parte integrante e sustanziale de custu atu e de cunseghèntzia:

DE APROVARE su “*Pianu Intercomunale de Protetzione Tzivile*”, nou, cumpostu dae sos allegados chi sighint:

- Relata Generale;
- Relata Tècnica;
- Sistema de Allertamentu Locale;
- Modellu de Interbentu;
- Ischedas de sas Protzeduras modellu de interbentu;
- Ischedas Puntos Crìticos Arriscu Geomorfologìcu;
- Ischedas Puntos Crìticos Arriscu Idraulicu;
- Ischedas Àreas de Emergèntzia;
- Ischema Protocolu Collaboratzione Monitoràgios
- Ischema de sas Ordinàntzias;
- Libreteddu Informàticu;

– Cartografias.

Chi s'allegant a custa pro nde fàghere parte integrante e sustanziale;

DE RECONNÒSCHERE chi cun custu provedimentu sunt abrogadas totu sas dispositziones regulamentares pretzedentes de su Comune in matèria de Protetzione;

DE APOSTIVIGARE chi custa deliberatzione siat publicada in s'albu pretòriu, e puru in sa setzione apòsita de s'amministratzione trasparente cunforma a su D.lgs. n. 33/2013;

Cun àtera votatzione espressada cunforma a sa lege, e chi at su matessi èsitu de sa pretzedente (n. 9 a favore), deliberat de fghere custa deliberatzione luego esecutàbie cunforma a s'art. 134, comma 4° de su D.Lgs. 267/2000 e mm.ii.ii.

PARRE DE REGULARIDADE TÈCNICA

Su Responsàbile de su Servìtziu, cunforma a s'art. 49 de su TUEL 267/2000, in òrdine a sa proposta n.ru 698 de su 18/11/2022 espressat parre a **FAVORE**.

Parre firmadu a manera digitale dae su Responsàbile de su Servìtziu **CHESSA PAOLO** in data 18/11/2022.

LÈGHIDU APROVADU E SUTASCRITU

Su Presidente
CHESSA PAOLO

Su Segretàriu Comunale
FALCHI ANTONIO MARIA

NOTA DE PUBLICATZIONE N. 894

Su 29/11/2022 est publicada in s'Albu Pretòriu sa Delibera de Consìgiu n.ru 55 de su 25/11/2022 cun ogetu: **LEADA A CUNSIDERU DE SU DEPÒSITU IN SU COMUNE DE MARA DE SU PIANU INTERCOMUNALE DE PROTETZIONE TZIVILE DE S'UNIONE DE SU BIDDANOIA.**

At a abarrare afissada pro 15 dies sighidas cunforma a s'art. 124 de su T.U. 267/2000.

Esecutiva cunforma a sas dispositziones de lege in vigèntzia.

Nota de publicatzione firmada dae **BUIONI ANGELA** su 29/11/2022.

Còpia digitale de documentu informàticu firmadu e produidu cunforma a su Dlgs 82/2005 e normas respetivas cullegadas.